

LINEO TSA MOEA O HALALELANG

Lenane-thuto

Notes —

THUTO EA #1:

- I. Selelekela.
- II. Lineo tsa Moea o Halalelang:
 - A. Boithuto ba 1 Bakr 12:1-11.
 - B. Moelelo oa Serapa sena (1 Bakr 12:1-11).
 - C. Motheo oa 1 Bakr 12:1-11.

THUTO EA #2:

- II. Lineo tsa Moea o Halalelang: (nts'etso-pele.)
 - D. Tlhaloso ea Lineo tsa Moea o Halalelang.

THUTO EA #3:

- II. Lineo tsa Moea o Halalelang: (nts'etso-pele.)
 - E. Khaeho ea 1 Bakr 12:8-10.
 - F. Boithuto ba Neo ka ngoe.

THUTO EA #4:

- III. Lineo tsa Bosebeletsi tsa Mohau oa Molimo:
 - Sets'oants'o sa Pele.
 - Sets'oants'o sa Bobeli.

THUTO EA #5:

- III. Lineo tsa Bosebeletsi tsa Mohau oa Molimo. (nts'etso-pele.)
- IV. Lineo tsa khahiso le tlhophiso tsa Krete.
 - Qetello: Boithuto bo batsi ba Lineo tsa Bosebeletsi

Tlhahlobo

LINEO TSA MOEA O HALALELANG

Notes

Tlhahlobo

Lipotso tse ka lebelloang, Limaraka li 20

- 1) Hlalosa hore na boraro bo halalelang bo bonahala joang lethathamong la lineo tsa Moea, le hore na hoo ho ka amahangoa joang le mathathamo a mararo Testamenteng e Ncha (maq. 261-263, 265,266).
- 2) Hlalosa phapano pakeng tsa lineo tsa Moea le Tholoana ea Moea (maq. 267,268).
- 3) Hlalosa karolo eo Molimo le motho ba e bapalang malebana le lineo tsa Moea (maq.268-271).
- 4) Fana ka lintlha tsa mokhoa oa ho ahlola le ho hlalohanya lineo tsa Moea (maq. 271, 272).
- 5) Khetha e ngoe ea lineo tsa Moea o be o e hlalose. Sebelisa Mangolo a 'maloa (Maq.280-286).
- 6) Khetha e ngoe ea lineo tsa Molimo tsa mohau, bolela le libopeho tse tloaelehileng, tse bonoang ho tseo ba nang le neo eo ba nang le tsona, tsepamo ea neo eo le ts'ekamelolo ea eona, le mefokolo ea eona (leq. 290,291).

Lipotso tse ka lebelloang, Limaraka li 10

- 1) Bolela lineo tse supileng tse hlahang ho Bar 12:6-8 (maq. 261).
- 2) Moelelo oa mefuta e mararo e meholo ea lineo ke e fe? Ntho ee e bohlokoa hobaneng? (leq. 260).
- 3) Hlalosa taba ea "ponahatso" (maq. 266, 267).
- 4) Bolela litsela tse peli tseo lineo tsa Moea li hahisang phutheho ea balumeli (maq. 273,274).
- 5) Sebelisa 1 Bakr 4:7 ho bonts'a hore na hobaneng re sa lokela ho iphahamisa, ho ikhohomosa le ho ithorisa ka lineo (leq. 274).
- 6) Lineo tse kholo ke li fe? (maq. 275-277).
- 7) Beha lineo tsa Moea malebana le lihlopha tse tharo (leq. 279).
- 8) Sebelisa Mangolo a mabeli ho bonts'a hore lineo tsa "bosebeletsi" li ka fanoa tsoalong ea bobeli kapa tlhahong ea bosea (maq. 288, 289).
- 9) Bolela mefokolo e mene e hokahanyoang le boprofeta (leq.290).
- 10) Sepheo-kholo sa neo ea mosa/mohau ke e fe? (leq. 291).
- 11) Fana ka mohlala oa Bibe, le polelo e amahanyoang le neo ea boetapele (leq.291).
- 12) Hobaneng re re lineo tse ho Baefese 4 ke lineo tsa khahiso kapa tlhophiso? (leq. 293).

LINEO TSA MOEA O HALALELANG

I. Selelekela.

Notes —

A. Sepheo sa thuto.

1. Bohlokoa ba lineo tsa Moea.
 - a. Bohlokoa ba Moea o Halalelang le mosebetsi oa hae ka maphelo a Bakreste o hlakile. Re lokela ho ithuta le ho utloisisa lits'ebeletso le lineo tsa Moea.
 - 1) Ke Moea o tsoalang bocha (Jn 3:3, 5), o lula ka ho rona (Bar 8:11), oa re tlotsa (1 Jn 2:20, 27), oa re tataisa ebile oa re kholisa (Jn 16:8-11), oa re ruta ebile oa re ts'elisa (Jn 14:26), ebile ke eena ea fanang ka lineo (1 Bakr 12:3-11).
 - 2) Lineo tsena (re bua ka lineo tsa Moea o Halalelang, empa e seng hoo feela, re tla boetse re bue ka lineo tsa Molimo.) li bohlokoa haholo maphelong a rona le mosebetsing oa rona. Ha li le sieo, rea haelloa. Ka tsona kereke e hlomeletsoe, 'me e ea akofa kahoo, e na le bokhoni, ebile e matlafalitsoe.
 - b. Paulosi o bua ka bohlokoa ba lineo ha a re, "Ha ke rate hore le ka hloka tlhalohanyo ea tsona" (1 Bakr 12:1).

Maikutlo a Sengoli:

Lineo tsa Moea ke polelo e sebelisoang ho hlalosa ka kakaretso mefuta ea lineo tsa Semoea.

Thuto ena e tla fana ka mefuta e meraro ea lineo tsa Moea:

- 1) Lineo tsa Moea o Halalelang (lineo tsa Ponahatso) tse hlalositsoeng ho 1 Bakr 12:8-10.
- 2) Lineo tsa Molimo tsa Mohau (lineo tsa bosebeletsi) li hlalositsoe ho Bar 12:6-8.
- 3) Lineo tsa Krete (lineo tsa khahiso le tlhophiso) li hlalositsoe ho Bae 4:11,12.

LINEO TSA MOEA O HALALELANG

Notes

2. Lineo tsa Moea li lokela ho akofisa bongoe ba ‘mele oa Krete.

- a. Molimo ha a fa kereke lineo ho arola kereke. Hona ho ne ho ka loants’a sepheo le takatso ea hae, e leng ho hokahanya ‘mele oa Krete. Empa ka bomalimabe, Batho ba sebelisa tsena hampe hoo li arohantseng Bakreste.
- b. Bongoe ke mooko-tabane le moelelo oa mefuta e meraro ea lineo tsa Semoea.

1) 1 Bakr 12:8-10.

- a) Lineo tsa Moea o Halalelang tse hlahang ho 1 Bakr 12:8-10, li etelloa-pele ke kopo ea bongoe e hlahang Selallong sa Morena (11:17-34).
- b) Lethathamo la lineo tsena le lateloa ke lithuto tse kholo tsa bongoe (12:12-31).
- c) Tabane ea litemana tse kapele le tse latelang lethathamo (bala 12:4-7,11) ke bongoe. Hlokomela pheta-pheto ea mantsoe le lipolelo tse litemaneng tseo, joaloka **ts’oana**, **molemo o ts’oanang**, le **tsohle**.

2) Bar 12:6-8.

- a) Lethathamo lena la lineo le etelloapele ke tlhaloso ea bonnete ba bongoe (tem.-5).
- b) E boetse e lateloa ke tabane ea bongoe malebana le **lerato (tem 9)**, le **ho sebeletsana**, **ho sebetsa ‘moho le ho elana hloko**. (tem.10), **ho amohela le ho hlokomela baeti** (tem 13), **ho ba le mohopolo o le mong** (tem 16), le **khotso** (tem. 18).

3) Bae 4:11.

- a) Lethathamo lena la lineo le etelloapele ke tlhakisiso ea bongoe (tem.3). boela o shebe phetako ea lentsoe “ngoe kapa mong” temaneng ea 4-6.
- b) E boetse e lateloa ke bongoe. Kannete-nete, sepheo-kholo sa lineo ke ho tlisa bongoe (sheba tem. 13, 16).

LINEO TSA MOEA O HALALELANG

B. Lintlha tsa Thuto ena.

1. Lintlha tsa thuto ena li tla amahanyoa le boithuto ba mefuta e meraro ea mathathamo a “lineo tsa Semoea.”
2. Sebelisa sets’oants’o sena e le selelekela sa lineo (**Hlokomela:** joalokaha sehlooho sa thuto ena se bonts’a, re tla etsa boithuto ba lineo tsa Moea o Halalelang tse hlahang ho 1 Bakr 12:8-10).

Notes

	Bae 4:11,12	Bar 12:6-8	1 Bakr 12:8-10
Lethathamo la lineo	Baapostola Baprofeta Baevangeli Balisa Baruti	Boprofeta Ho sebeletsa Ho ruta Ho khothatsa Ho fana Ho etellapele Ho bonts’a mosa	Bohlale Tsebo Tumelo Lineo tsa Pholiso Mehlolo Boprofeta Ho hlalohanya Meea Malame a Sele Tlhaloso ea Maleme
Palo ea lineo	5	7	9
Mofani	Kretse	Molimo	Moea o Halalelang
Mofuta oa neo, Lentsoe la Segerike	Lineo tsa Kreste Domata (v. 8)	Lineo tsa Molimo tsa Mohau Charismata (v.6)	Lineo tsa Moea o Halalelang Pneumatikos (v.1)
Tlhaloso	Lineo tsa khahiso le tlhophiso	Lineo tsa Bosebeletsi	Lineo tsa Ponahatso
Litemana	1 Bakr 12:27-30	1 Petr 4:10,11; 1 Tim 4:14; 2 Tim 1:6	Bar 1:11; 1 Bakr 12:27-30

Ntlha ea Puisano

Mefuta ena e meraro ea lineo, li amana le karolo ka ngoe ea boraro bo halalelang, ‘me li na le li-pheo tse khethehileng. Ka bokhuts’oane, hlalosa liphapano tseo tse khethehileng tse tharo.

LINEO TSA MOEA O HALALELANG

Notes —

II. Lineo tsa Moea o Halalelang (ho ipapisitsoe le thuto tsa Dr.J.R.Williams).¹

A. Boithuto ba 1 Bakr 12:1-11.

1. Ho hlakile hore lethathamo la lineo tse litem. tsa 8-10, ke lineo tsa Moea o Halalelang.
 - a. Temaneng ea 1, Paulosi o hlakisa hore o ngola ka “pneumatika” kapa lineo tsa Moea o Halalelang.
 - b. Temaneng ea 4, o hokahanya taba ea lineo le Moea o Halalelang.
 - c. Temaneng ea 11, o boetse oa bonts’a hore mohloli oa lineo tse bonts’itsoeng moo ke Moea o Halalelang.
2. Ho hloma e ka Paulosi o bua ka lihlopha tse tharo tsa “lineo” tse temaneng ea 4-6.
 - a. Temaneng ea 4, o bua ka ho otloloha ka lineo tseo a tla li bolela serapeng sena. Ke lineo tsa semoea (“pneumatika”: tem. 1).
 - b. Temana ea 5, e buoa ka lits’ebeletso tse amahanyoang le Morena.
 - 1) Hopola hore ho Baefese 4:11, hona le lethathamo la lineo tseo ehlileng li hokanyoang le Morena Jesu.
 - 2) Lineo tsena li fapane ka botlalo le lineo tsa Moea tse hlahang ho 1 Bakr 12.
 - 3) Ha re etsa tlhalohanyo ea mathathamo ana a mabeli, re ka re lineo tsa Bae 4:11, ke lineo tsa bosebeletsi tseo Krete a li fang kereke, ho fapana le ponahatso le liponts’o tsa Moea tse fanoang ho motho ka mong ka linako tsa tlhoko (1 Bakr 12:7).
 - c. Temaneng ea 6, Paulosi o bua ka “mesebetsi”. Tsena tsona li hokahanyoa le “Molimo.”
 - 1) Hopola hore ho Bar 12:6-8, hona le lethathamo le leng la lineo tse amahanyoang le Molimo Ntate (sheba Bar 12:3).
 - 2) Lineo tsena li fapane ka botlalo le lineo tsa Moea tse hlahang ho 1 Bakr 12.

LINEO TSA MOEA O HALALELANG

- 3) Ha re etsa tlhalohanyo ea mathathamo ana a mabeli, re ka re lineo tsa Bar 12:6-8, ke “mesebetsi” (matla, ts’usumetso, bosebeletsi, bokhothatsi, kapa sebopeho se hahang boleng) eo Molimo a e bopang ka hare ho rona, ho fapana le ponahatso le liponts’o tsa Moea o Halalelang.

Ntlha ea Puisano

Tsoelapele o bue ka maikutlo le lipotso tse ka bang teng malebana le tlhalohanyo le phapano e pakeng tsa lineo tse boletsoeng ho

1 Bakr 12:8-10; Bae 4:11, 12, le Bar 12:6-8.

Hona ke motheo o motle bakeng sa ho utloisisa lineo tsohle tsa semoea tsa Molimo.

Notes —

B. Moelelo oa Serapa sena (1 Bakr 12:1-11).

1. Ho bohlokoa ho elelloa hore Paulosi o ne a ngoletse Bakorinthe ka lintho tseo ba seng ba li bone, ba bile le boitsebelo ba ts’ebetso ea tsona.
 - a. Kereke ea Bakorinthe e ne e se na tlhoko le phokolo ea liponts’o tsa pneumatic (ketello ea Moea o Halalelang). Lineo tsa Moea o Halalelang li ne li le ts’ebetsong ka matla.
 - b. Hlahloba 1 Bakr 1:5-7, hlokomela hore tiiso eo ho buuoang ka eona, e ka ‘na ba ke kamohelo ea Mpho ea Moea o Halalelang (sheba ts’oano ea Liketso 15:8).
 - c. Bakorinthe ba ne ba na le tsebo le boitsebelo lineong tsa Moea. Empa leha ho le joalo, ba ne ba ntse ba hloka ho rutoa. Ka tsela ena, ba ne “ba sa tsebe” (1 Bakr 12:1). Ke kahoo ba neng ba fokolloa ke kutloisiso. Kahoo, ba ne ba hloka ho ithuta ho lumella lineo ho sebetsa ka nepahalo le ka ts’oanelo (1 Bakr 14:39,40).

LINEO TSA MOEA O HALALELANG

Notes

2. Ho bohlokoa ho utloisisa hore boteng ba lineo tsa semoea ka matla, ho supa boteng ba Moea o Halalelang ka bo-eena.
 - a. Joalokaha re ile ra bona, khokahanyo ena e ile ea etsoa ho 1Bakr 1:5-7. Boteng ba lineo tsa Moea, ke sesupo sa boteng ba Mpho ea Moea (ho tlatsoa, kapa ho kolobetsoa kapa ts'episo; sheba Lik 1:4,5, 8).
 - b. Khokahanyo ena e bonts'oa hape ha Paulosi a bua ka ho ba le monono oa Moea ka Bo-Eena ho 12:13 (re kolobelitsoe ka Moea). Lineo tsa Moea, li bonahatsoa ka kolobetso kapa matla a Moea.
3. Ntlha ea lineo tsa semoea ka bo-eena, e ka ba le boitsebelo. Ha se ntho e sa etseng kelello ho buoa ka lineo tsa Moea feela ho se boitsebelo, ebile o so nke karolo ho tsona. Ho nka karolo lineong, ke 'ona moelelo oa 1 Bakr 12-14.

Ntlha ea Puisano

Rona re le baetapele, re ka ruta joang ka lineo tsa Moea, haeba re sa lumelle le ho haha tikoloho e amohelang boteng ba Matla a Moea le ho lumella boitsebelo ba lineo?

Bua ka lintho tse ka etsang hore hona ho khonehe ka tsela e nepahetseng.

LINEO TSA MOEA O HALALELANG

C. Motheo oa 1 Bakr 12:1-11.

Notes —

1. Borena ba Krete.

- a. Paulosi oa hlakisa hore ke ka ho ananela Borena ba Jesu feela lineo tsa Semoea li ka bonahatsoang.
- b. Ho latela temana ea 3, Borena ba Krete bo hokahanyoa ka kotloloho le ho phela ka Moea. Khokahanyo ena e etsoa pele ho fanoa ka lethathamano la lineo tsa moea.
 - 1) Kamano mona e bonahala e le eena. Ntho ea bohlokoa e lokelang ho elelloeha ke hore Moea o thusa(e le mohloli) motho hore a khone ho etsa Krete Morena oa hae, empa ke Borena ba Krete bo etsang hore ho be le ponahatso ea lineo tsa semoea.
 - 2) Hona ke hore, “pneumatic community” ha se tikeloho eo Moea e leng khubu. Maikutlo ha a tsepama haholo ho Moea, hobane Moea ha a ichebe bo-eena. O shebana le Jesu feela (Jn 16:13-15).
 - 3) Boteng ba ‘nete ba Borena ba Jesu Krete bo hlahisa boteng ba liketso le mesebetsi ea Morena eo ka Moea eo eena(Moea) a bonahatsang Morena eo ka Lineo.

Ntlha ea Puisano

Bonts’a bothata bo bileng teng kahar’a litikoloho le likereke tsa moea, tse neng li feteletsa ts’ebeletso ea Moea le ponahatso ea matla a Semoea. U ka thusana joang ho thibela see?

2. Molimo o Borarong.

- a. Boela o shebe 1 Bakr 12:4-6.
 - 1) Lineo tsa Moea o Halalelang li boleloa ho ipapisitsoe le bongoe phapanong, e leng se fumanoang borarong bo Halalelang.
 - a) Phapano e bolela “mekhoa, lintho, liketso, mesebetsi e fapakaneng.”
 - b) Bongoe bo bolela “ts’oano”

LINEO TSA MOEA O HALALELANG

Notes

2) Ha re ke re shebeng tatellano ea Boraro bo Halalelang.

a) Moea o bonahatsa Mora, Mora eena o bonahatsa Ntate.

b) Ka tsela e ts'oanang, temana ea 4 e etella ea bo-5 pele, ea bo-5 eona e etella ea bo-6 pele.

3) Bonnete ke hore, lineo tsa Moea li sebetsa ka ts'usumetso ea Boraro bo Halalelang. Ka kakaretso, ke Boraro bo Halalelang bo kamor'a liponahatso tse khethehileng tsa Moea o Halalelang.

b. Boela o shebe thuto ea rona e bonts'ang khokahanyo ea temana ea 4-6 le mathathamo a mararo a lineo Testamenteng e Ncha.

3. Ponahatso ea Moea o Halalelang.

a. Ho 1 Bakr 12:7, lentsoe “ponahatso” le bolela ponts'o e hlakileng kapa ts'enolo ea Moea o Halalelang. O iponahatsa ka liketso tsa matla. Ponahatso ena e etsahala ka Bakreste.

1) Ponahatso ena e hlakileng, e bulehileng, e-ea bonahala ebile e-ea utloahala.

2) Ho Liketso 2:33, batho ba ile ba bona le ho utloa boteng ba Moea. E ngoe ea lintho tseo ba ileng ba li utloa, ke ha batho ba bua ka lipuo. Ponahatso ea Moea e kenyeletsa lineo tsohle tsa Semoea. Le Bibe e kenyeletsa le tsohle tseo ba li boneng.

b. Ponahatso ea Moea, ke tlhahiso ea Ea sa bonoeng.

Mohlala oa Sengoli:

Ha khanya e hlaha, ha re bone mohloli oa matla. Re bona ponahatso ea matla feela. Khanya ke bonnete ba boteng ba mohloli oa matla. Joale he, lineo tsa Moea o Halalelang ke bonnete ba boteng ba Moea.

LINEO TSA MOEA O HALALELANG

Beha Mohlala oa Hau

Notes

- c. Re lokela ho utloisisa hore lineo tsa Moea li fapane haholo le Tholoana ea Moea (sheba Bag 5:22).
 - 1) Tholoana ea Moea e ntlafatsoa ke ho hola ho Krete. Kholo ea tholoana ke sesupo sa tsoellopele.
 - 2) Lineo tsa Moea ke liponts'o kapa ponahatso ea Moea e tlang ka mafiso a bulehetseng boteng ba Hae le matla.
- d. Ke 'nete hore Bakreste ba banyane haholo ba ka sebelisoa lineong (hona ke se etsahetseng kerekeng ea Korinthe). Ka baka la boleng ba lineo, Moea o ipatlela lefiso le teng le ikemiselitseng ho sebelisoa (empa ka tholoana ea Moea, Moea o hloka lefiso le ikemiselitseng ho sebelisoa, le nako, kaha hona ho kenyeletsa tsoellopele ea kholo letsatsi ka leng).
 - 1) Ka tsela e ts'oanang, re lokela ho utloisisa hore hona le thuto e itseng e tsoellang-pele e malebana le ho sebelisoa ha lineo. Hangata ha motho a ntse a sebelisoa, o ba le bolokolohi ebile o atleha ka ho tsoella ts'ebelisong ea lineo tsa Moea o Halalelang.

LINEO TSA MOEA O HALALELANG

Notes

- 2) Boemong bona, ho a hlolla ho bona hore ho 1 Bakr 14, Paulosi o sebelisa mantsoe a arohaneng a Segerike ho etsa tlhalohanyo lihlopheng tse tharo tsa Batho.
 - a) O bua ka ba lumetseng.
 - b) O boetse o bua ka ba sa lumelang.
 - c) O bua ka “idiotas” litemaneng tsa 16, 23, 24. Lentsoe lena le bolela “ba rutehang” ‘me le hloma e ka le hlalosa Bakreste ba sa tsebeng ka lineo tsa Moea. Ho fihlela boemong bo itseng, hona le ketsahalo ea boithuto ts’ebelisong ea lineo.

Ntlha ea Puisano

Bolela tse ling tsa likarolo tse ntle tsa Moea o Halalelang, tseo a iponahatsang ka matla ka sechaba sa Molimo. Ke likarolong li fe moo ho lokelang ho be le tlhokomelo, haholo-holo malebana le balumeli ba banyane?

O le moetapele, u lokela ho etsang ho boloka tekano e ntle ea kholo?

D. Tlhaloso ea Lineo tsa Moea o Halalelang.

1. Karolo ea ts’ebetso ea Molimo le motho.
 - a. Karolo ea Molimo.
 - 1) Lineo tsa Moea ke ponahatso ea Molimo ka Bo-eena. Ka tsela ena, ke lineo tsa matla a Molimo e seng a botho. Ke mesebetsi ea letsoho la Molimo ka sebele.
 - a) Re lokela ho utloisisa hore lineo tsa Moea ha se ponts’o ea litalenta tsa tsoalo kapa litsebo tse tlišoang ka boikoetliso le bointlafatso ba botho.
 - b) Ha se feela mesebetsi ea Moea e tlatsetsang litalenta le bokhoni ba rona ho sebetsa ka matla.

LINEO TSA MOEA O HALALELANG

2) lineo tsa Moea li fanoa ke Moea kamoo eena a ratang ka teng (tem.11).

a) Kahoo, Moea o ka sebetsa ka ho motho ho sa tsotellehe litalenta tsa hae, bokhoni ba hae ba tlhaho, kapa boitsebelo ba hae.

b) Lineo tsa Moea ha li ipapise le thuto ea kelello le koetliso (sheba se builoeng ka Petrose le Johanne ho Liketso 4:13).

b. Karolo ea botho.

1) Ho latela 1 Bakr 12:7, motho e mong le e mong o na le neo eo Moea o mofang eona. Motho ke moamoheli. Ke motho ea nkang khato.

a) Mohlala, ho Liketso 2:4, re bona hore ke batho ba ileng ba bua ka maleme a sele ho latela kamoo Moea o neng o ba nea ka teng.

b) Ha se Moea o neng o bua ka maleme.

c) O file sebui (motho) mantsoe a lokelang ho a bua.

2) Lineo ha li bonahatsoe feela ho se likhato, ebile ha li susutlelloe ho batho.

a) Ka tsela ena, lehlakore la botho le lona le teng. Hona ke hore, bokhoni, litsebo, litalenta, le boitsebelo ba lefisoana le sebelisoang, li ama ponts'o le ponahatso.

b) Ha se hore ponahatso ea lineo e ipapisa feela le lintho tsena, empa hona ha ho bolele hore Moea a ke ke a sebelisa kapa ha a sebelise lintho tsena.

Notes —

LINEO TSA MOEA O HALALELANG

Notes

—

- c) Taba ke hore, motho ke lefiso la ts'ebetso. Se etsang hore lefiso le sebelisoa, ke tlhophiseho ea lona, boteng le bolokolohi ba lefisoana leo.
 - d) Lefiso le ka hlophiseha hantle la ba le bolokolohi ka boithuto, ts'ebeliso le boitsebelo ba neo. Mohloli ha oa its'etleha ka lintho tsena feela, empa mohloli o ka sebelisa lintho tsena.
- 3) Molao oa Bomolimo bo sebelisang botho, e lumellana le Molimo ea sebelisang batho ho ngola le ho hlahisa Mangolo a nang le pululelo (sheba 2 Petr1:21).
- a) Ha se boikhethelo ba motho. Hona ke hore, Moea (mohloli) ha oa its'etleha ka motho (lefiso).
 - b) Empa, ke motho(lefiso) ea tsamaisoang ke Moea (mohloli).
 - c) Qetello ke hore, sehlahisoa se tla angoa ke lefiso kaha ho sebelisoa lona.
 - d) Ke ka lebaka lena ho nang le li-Evangeli tse 'ne. Ke Moea (mohloli) o sebelisitseng banna ba bane ba fapaneng (mafiso a fapakaneng) ho hlahisa ts'ebetso e ts'oanang. Moea ha a ka ba a its'etleha le ho ipapisa le libopeho tse khethehileng, bokhoni, limelo le litalenta tsa bangoli ba li-Evangeli tse 'ne. Empa, o ntse a sebelisitse lintho tseo ho fihlela merero ea Hae.
 - e) Ka lehlakoreng le leng, molao oona o ntse o ka etsa ponahatso ea lineo ka tsela e sa phethehang. Lefiso le ka kena-kenana le seo Moea a se etsang. Qetello e ka ba pherekano le ho lobokana, joalokaha ho bile joalo kerekeng ea Bakorinthe.
 - f) Leha ho le joalo, ho ngoloeng ha Bibe, eo e leng Lentsoe la Molimo le se nang sepha, Molimo ha a ka a lumella mafiso ho thibela le ho sitisa seo Moea a se etsang. Mafiso a ile a tlameha ho inchela ho seo Moea a se etsang.

LINEO TSA MOEA O HALALELANG

- 4) ho latela 1 Bakr 12:11, karolo ea botho ea ts'ebetso ha se ea moshoelella. Moea o fana kamoo eena a ratang. Batho ba fapakaneng ba sebelisoa maamong a fapakaneng.
- a) Liponahatso tsa lineo tsa Moea, ha se liofisi kapa maikarabello a ts'ebetso. Ke lisebelisoa tsa nakoana tse fanoang ho fihlella tlhoko kapa sepheo se itseng ka nako e itseng (sheba 1 Bakr 12:7 le 1 Bakr 14:26, 31).
 - b) Liponahatso tsa Moea ho batho li ea fapana. Lineo tsena ha se thepa ea motho. Moea o itsamaela ka bolokolohi (Joha 3:8) ho latela khetho ea Hae boemong kapa ketsahalong e khethehileng.
 - c) Neo e **fanoa** (1 Bakr 12:7) bojoaleng. Ke bakeng sa hajoale. Ha se sehlahisoa sa neo e kileng ea fanoa khale kapa ho “boloketsoeng” ts'ebeliso ea bokamoso.
 - d) Ka nako e fe kapa e fe, boemong bo fe kapa bo fe, Moea o ka khetha hore sebelisa lineo li fe kapa li fe. Re lokela ho ikemisetsa le ho bulehela Moea neng kapa neng.

Notes

—

Ntlha ea Puisano

Kaha re eleletsoe hore Molimo o sebelisa batho ho bonahatsa lineo tsa Moea o Halalelang, re ka lula re inehetse thatong ea Hae joang, molemong oa ho tsoelapele ho ba lisebelisoa Morerong oa hae? ke lintho li fe tse ka sitisang kapa tsa thibela ho buleha ha rona?

c. Tsela ea ho hlalohanya lineo tsa semoea.

- 1) Ha botho le Bomolimo li tla hammoho, hona le monyetla oa phoso. E ka Paulosi o bua ka liponahatso tse fosahetseng temaneng tsa 2,3.

LINEO TSA MOEA O HALALELANG

Notes

—

- 2) Bakreste ba ka tsebang joang haeba ponohatso e tsoa ho Moea oa Molimo kapa mohloling o mong?
 - a) Ponahatso e tsoang ho Moea e tla tlotlisa Jesu.
 - b) Ponahatso ea Moea e tla lumellana le Lentsoe la Molimo. Moea, eo e leng eena Sengoli sa Bibe, a ke ke a itoants'a. hape, ha ho ponahatso e fe kapa e fe ea Moea e ka eketsang kapa ea fokotsa Mangolo.
 - c) Ponahatso ea Moea e tla lumellana le meea ea batho ba teng sebakeng seo ponahatso e etsoang ho sona. Hona ke hore, ponahatso **ea** Moea e tla netefatsoa **ke** Moea o phelang ka ho rona (sheba 1 Bakr 14:29).
2. Bosebeletsi ba 'mele (boela o bale 1 Bakr 12:7).
 - a. Lineo li reretsoe **molemo o ts'oanang**. Li lokela ho sebelisoa bakeng sa kopano ea Balumeli.
 - 1) Leha neo e ka bonahatsoa ka motho a le mong, ea ba ea neoa motho a le mong, sepheo sa eona se seholo ke ho tsoela balumeli bohle molemo.
 - 2) **Neo** ea Moea o Halalelang, e thusa balumeli ho paka ka matla ka mantsoe le liketso, hape e thusa balumeli ho **sebeletsana** hantle.
 - b. Lineo li reretsoe ho hahisa le ho matlafatsa 'mele oa Krete (sheba 1 Bakr 14:12, 26; le 1 Bakr 14:4-19).
 - 1) Paulosi o buile haholo ka khahiso. Lipuo li hahisa ea li buang (tem. 4), empa lipuo li lokela ho ba le ea li hlalosing bakeng sa ho hahisa 'mele oohle.
 - 2) Maikutlo ha a tsepama haholo lineong ka bo-tsona. Maikutlo a tsepame haholo khahisong ea 'mele oa Krete.

LINEO TSA MOEA O HALALELANG

c. Lineo li hahisa ‘mele oa Krete ka li tsela tse peli:

Notes —

1) Bohle ba fumana molemo ho tsoa neong (1 Bakr 14:4, 5, 12).

2) Bohle ba sebelisoa ponahatsong ea lineo (sheba mantsoe a 1 Bakr 12:7, **e mong le e mong o amohetse neo**).

a) Setho se seng le se seng sa ‘mele oa Krete, se lokela ho nka karolo. Setho ka seng se lokela ho sebeletsa.

b) Lineo tsa Moea ha li ea lokela ho bonahatsoa ke baetapele feela, kapa ba nang le neo e khethehileng. Setho ka seng se nka karolo.

(1) Hona ho ts’ehetsa bohlokoa ba ho tsotella lihlopha tse nyane. Kereke e kholo e lokela ho hloptjoa ka lihlopha tse nyane tsa balumeli, moo Moea o ka itsamaelang ka tsela ena.

(2) Ho lokela ho be le mokhoa oa “likopano tsa botempele tsa kereke”, hape ho be le mokhoa oa “likopano tsa lehae tsa kereke” (bona kamoo tsena li ileng tsa phelisana ho Liketso 2:46).

c) Taba ea hore bohle ba lokela ho sebelisoa ho bonahatsa lineo, e bonts’a hore bohle ba na le boikarabello bo itseng malebana le ponahatso ea lineo tseo.

(1) Setho sa ‘mele oa Krete ha sea lokela ho hatella neo ha Moea o Halalelang o moetellapele kapa ho mosusumetsa ho bonahatsa neo eo.

(2) Litho tsohle tsa ‘mele li na le boikarabello, hape litho tsohle li bohlokoa (sheba 1 Bakr 12:14).

LINEO TSA MOEA O HALALELANG

Notes

—

(3) Hape, lineo tsohle li bohlokoa, li hlokahala ho ba teng. Ha rea lokela ho nyelisa neo e fe kapa e fe. (sheba 1 Bathes 5:20).

(4) Ho a hlolla ho bona nyefolo e etsetsoang “lipuo/maleme” matsatsing a kajeno. Sheba 1 Bakr 12:23. Lipuo/maleme, a nkoa e le e ngoe ea lineo tse eisehang, empa Molimo o nka likarolo tseo li hlompheha, ebile li bulehile haholo. Hoo ke hore, ha a batle e be neo e nyelisoang.

d. E re kaha e mong le e mong o **fuoa** neo ea Moea, ha se hantle ho ikakasa le ho ithorisa malebana le lineo (sheba 1 Bakr 4:7).

1) Boikhohomoso bona ha boa nepahala ha motho a ithorisa ka “lineo tsa hae”.

2) Hape, ha bo hantle malebana le tsela eo re shebang ba bang ka eona, ho bonts’a tlhompho e kholo ho ba bang ba bonahalang e ka ba “neiloe haholo” kapa “ba filoe lineo tse kang li kholo, li hlaheletse haholo.”

3) Karabelo le katamelo e nepahetseng malebana le lineo tsa Moea, e lokela e be ho kokobetsa motho hore e be Molimo feela ea tlotlisoang.

Ntlha ea Puisano

Ha lineo tsa Moea li bonahatsoa kerekeng ea hau, na li hahisa ‘mele? Na karolo e bapaloang ke litho tsa ‘mele e ea akaretsa, kapa ke batho ba fekolang ba khethehileng ba sebeletsang ka lineo tsa bona?

Tikoloho le kopano e nepahetseng e ka hahoa joang kerekeng ea heno?

LINEO TSA MOEA O HALALELANG

3. Ho labalabela lineo tsa semoea.

Notes

- a. Ho latela 1 Bakr 14:1, lineo tsa Moea li lokela ho labalabeloa. Lentsoe la Segerike le hlalosa “labalabela” le bolela “ho batla kapa ho chesella ntho e itseng”.
 - 1) Ho ba le tabatabelo ea lineo tsa semoea ha ho khahlanong le bohlo ba Moea ha a fana ka lineo.
 - 2) Ka tsela e ts’oanang, **neo** ea Moea o Halalelang ho Luk 11:9-13, e fumanoa ke ba e batlang ebile ba kokota. E, e fuoa ba e labalabelang!
 - 3) Ha se ntho e mpe ho labalabela ho fumana ntho e ntle. Ebile, Molimo o thabela ho “**nea ba kopang ho eena tse molemo**” (Math 7:11).
 - 4) Balumeli ba lokela ho chesehella ho fumana lineo tsohle (1 Bakr 14:12).
 - 5) Ntho e ka mpang ea fosahala, ke mabaka a ho batla lineo tsa semoea. Sepheo-kholo sa lineo, ke “molemo oa ba bang.” Kahoo, tabatabelo ha ea lokela ho icheba bo eona.
- b. Lineo tse kholo ke li fe (sheba 1 Bakr 12:31)?
 - 1) Hantle-ntle, re ke ke ra re karabo ea potso ena e malebana le tatellano ea lineo tsena lethathamong la 1 Bakr 12:8-10.
 - a) Hona ho ka etsa boprofeta neo e hlahang borarong ka bohlokoa.
 - b) Empa, Paulosi o bolela ka ho hlaka ho 14:1, hore boprofeta ke neo e kholo.

LINEO TSA MOEA O HALALELANG

Notes

- 2) Hape, ha se hore lerato ke neo e kholo. Lerato ha se neo. Ke THOLOANA.
 - a) Ha Paulosi a re o tla bonts'a tsela e ntle ka ho fetisisa, o bua ka tsela (tsela ea lerato) eo lineo tsohle li tla khona ho sebetsa hantle haholo (1 Bakr 13).
 - b) Ho bohlokoa ho elelloa hore Paulosi ha a re lerato le lokela ho batloa ho ipapisitsoe le lineo tsa semoea. Hantle-ntle o re, lerato le lineo tsa semoea, li lokela ho phela 'moho. Kahoo, Paulosi o re ho 14:1, "Folofelang lerato, labalabelang lineo tsa moea."
 - c) Lineo tse se nang lerato ha li ea phetheha.
 - d) Re boetse re ka re lerato le se nang lineo le lona ha lea phetheha, ha re elelloa hore moelelo oa lerato o bonahala haholo ts'ebelisong le boteng ba lineo.
 - e) Litemana tse buang ka lerato, li pakeng tsa 12:31 le 14:1, e leng litemana tse khothaletsang balumeli ho labalabela lineo tsa moea.
- 3) Karabo ea rona e le ngoe potsong ea rona ke hore, boprofeta ke neo e kholo (14:1, 5,39).
 - a) Boprofeta kapa moprofeta, ke eona neo e le ngoe feela e hlahang mathathamong a mararo a lineo (Bar 12; Bae 4; 1 Bakr 12).
 - b) Ho boetse ho etsa moelelo ha re re, boprofeta ke neo e kholo ha re hopola thuto ea rona malebana le sepheo sa lineo (ho hahisa kereke).
 - (1) Hlokomela tlhakisiso ea kamoo boprofeta bo hahisang kereke ka teng ho 14:3-5.
 - (2) E ka bang eng e hahisang ka ho fetisisa ho molumeli ho feta ho mamela lipolelo tsa Molimo? Hoo ke sona seo boprofeta bo leng sona. Ke ho bua lipolelo tsa Molimo.

LINEO TSA MOEA O HALALELANG

- 4) Neo e ngoe “e kholo”, e ka ba neo ea lipuo/maleme (ha a hlaloso a kapa a tolokoa).
- a) Sheba moelelo oa lentsoe “haese” temaneng ea 5. Lipuo/maleme ha a hlaloso, a behoa boemong bo le bong le “neo e kholo” ea boprofeta.
 - b) Taba ea hore lipuo/maleme ke e ngoe ea lineo tse kholo, ha ea lokela ho makatsa, hobane maleme a bolela liphiri tsa Molimo (14:2). Bohlokoa ba mofuta oona oa puisano o hlakile.
 - c) Taba-tabu ke ha neo ea lipuo e lateloa ke botoloki kapa tlhaloso, hoo ho fana ka puisano e feletseng pakeng tsa Molimo le motho. Hape, ke puisano ea liphiri.
- (1) Ha Paulosi a bonts’a e ka maleme a ea fokola, o ne a bua ka maleme a sa tolokoeng (hopola hore re bua ka ho hahisa ‘mele oohle, ‘me ‘mele o ke ke oa hahisoa haeba o sa utloisise se buuoang).
 - (2) Hona ke eona ntlha ea 1 Bakr 14:6 le 1 Bakr 14:19. Ha se hore maleme a ea fokola. Haeba Paulosi a ne a le khahlanong le maleme, temana ea 18 e ne ke ke ea etsa kelello.

Notes —

LINEO TSA MOEA O HALALELANG

Notes

- 5) Ka kakaretso, re ka bua ka kholiseho hore, karabelo ea potso ea rona ke hore, boprofeta le maleme (a lateloang ke tlhaloso) ke tsona “lineo tse kholo” tseo ho buuoang ka tsona ho 12:31.
- a) ‘Nete ke hore, ha ho lineo tse ling tseo ho buuoang ka tsona kamor’a ho bolela “lineo tse kholo”.
 - b) Paulosi o qetella ka ho bua ka lineo tseo bobeli ba tsona ho 1 Bakr 14:39.
 - (1) Labalabelang/chesehellang ka matla ho profeta.
 - (2) Se keng la thibela maleme (haeba a sa tolokoe, sebui se thole).
 - c) Ka nako e ts’oanang, re lokela ho hopola hore lineo tsohle tsa semoea, li lokela ho chesehelloa le ho lebalabeloa ka matla (1 Bakr 14:1).

Ntlha ea Puisano

Haeba Boprofeta le Maleme (a hlalosoang) ke “lineo tse kholo”, u ka akofisa ponahatso ea tsona joang, haholo o ntse o hlokometse hore ke tse ling tsa lineo tse ka sebelisoang hampe ka ho fetisisa?

E. Khaeho ea 1 Bakr 12:8-10.

1. Ho bonahala hona le lihlopha tse tharo kahar’a lethathamong la lineo tsa Moea ho 1 Bakr 12:8-10.
 - a. Polelo “e mong” e phetoa makhetlo a robeli.
 - b. Leha ho le joalo, habeli, lentsoe la Segerike ke “heteros”, makhetlo a ts’eletseng lentsoe la Segerike ke “allos.”
 - 1) “heteros” e bolela “e ngoe ea mofuta o fapaneng”.
 - 2) “allos” e bolela “e ngoe ea mofuta o ts’oanang”.

LINEO TSA MOEA O HALALELANG

2. Ka kutloisiso ena, re bona khaeho ea mofuta o itseng lethathamong. “Heteros” e hlaha pakeng tsa lineo tsa **Puo ea tsebo** le **tumelo**. E boetse e hlaha pakeng tsa **tlhalohanyo ea meea** le **maleme**. Nqa e ngoe moo lentsoe lena le hlahang le hlaloso Segerikeng e le “allos.”
- a. Mohlala, temana 8, 9, e ka hlaha tjena: “Hobane e mong o neoa ke Moea puo ea bohlale, e mong oa mofuta o ts’oanang, o neoa puo ea tsebo ke Moea oona oo; ho e mong oa mofuta o fapaneng, o fuoa tumelo ke Moea oona oo, ‘me e mong oa mofuta o ts’oanang, o fuoa ke Moea oona oo lineo tsa ho folisa.”
- b. Kahoo, re ka beha lineo ka lihlopha tse tharo:
- 1) Lineo tsa maikutlo (kelello):
 - a) Puo ea bohlale.
 - b) Puo ea Tsebo.
 - 2) Lineo tsa liketso tse bonoang:
 - a) Tumelo.
 - b) Lineo tsa Pholiso.
 - c) Liketso tsa Mehlolo.
 - d) Boprofeta.
 - e) Tlhalohanyo ea meea.
 - 3) Lineo tse ka holimo ho maikutlo:
 - a) Maleme.
 - b) Botoloki ba Maleme.

Notes

—

LINEO TSA MOEA O HALALELANG

Notes

Ntlha ea Puisano

Bua ka lihlopha tse tharo tsa lineo, le hore na hobaneng lineo li ka behoa lihlopheng tseo.

F. Boithuto ba Neo ka ngoe.

Maikutlo a Sengoli:

‘Mele oa Krete o-oa fapana tlhalosong le ts’ebetsong ea tse ling tsa lineo. Nka nako ea ho hlaloba kutloisiso ea hau malebana le lineo tsena.

1. Puo ea bohlale le puo ea tsebo.
 - a. Sheba Bar 11:33, 34 le Bak 2:3. Hlalosa lineo tsena tse peli o ipapisitse le temana ‘ena.
 - b. Lineo tsena li bonahatsa pelo kapa maikutlo a Morena, feela li kenyeletsa ts’ebetso ea kelello e motho.
 - c. Neo ha se bohlale kapa tsebo. Neo ke puo/lentsoe/polelo/ho bua ka bohlale kapa ka tsebo. Hona ke hore, ke LENTSOE la bohlale kapa tsebo. Ha se **boemo** ba bohlale kapa tsebo.
 - d. Sheba 1 Bakr 2:1, 2 le 2:13. Bolela hore na lentsoe la bohlale le amana joang le litemana tsena tse peli.
 - e. Neo ea bohlale e ka fana ka tataiso ho lineo tse ling, kaha e kenyeletsa kutloisiso e tebileng, tlalohanyo e nepahetseng, le kahlolo.
 - f. Bala Liketso 6:1-6; 13:1-3; 15:28-31. Elelloa kamoo lentsoe la bohlale le hlokahalang ka teng pusong le mosebetsing oa kereke.
 - g. Bala Luka 12:11, 12; Math 22:15-46; Liketso 6:8-10. Hlokomela kamoo lentsoe la bohlale le ka makatsang mohanyetsi ka teng.

LINEO TSA MOEA O HALALELANG

- h. E re kaha tumelo ea Bokreste ke tsebo ea 'nete ea Molimo, lentsoe kapa puo ea tsebo, ke phatlalatso ea 'nete eo.
- i. Kahoo, puo ea tsebo, e bohlokoa ka ho otloloha mosebetsing oa ho ruta. E fana ka botebo ba lithuto (sheba 1 Bakr 14:26).
- j. Puo ea tsebo e ka kenyeletsa litaba tsa khale, tsa joale, tsa kamoso (sheba 2 Sam 12:7-13; Jn 1:47-50; Jn 4:39; Lik 5:1-11).

Ntlha ea Puisano

Bua ka lineo tsena o be o fane ka bopaki bo bonts'ang hore na li kile tsa bonts'oa joang.

2. Tumelo.

- a. Re ka bua ka neo ea tumelo e le “tumelo e khethehileng” ho fapana le “tumelo e pholosang” (Bae 2:8) kapa “tholoana/sebopeho sa tumelo” (Bag 5:22). Ke tumelo e fanoang bakeng sa ketsahalo e khethehileng kapa sepheo se khethehileng (sheba Lik 27:25-44).
- b. Bala 1 Bakr 13:2 le Mar 11:22, 23. Bolela hore na neo ea tumelo e amana joang le litemana tsena.
- c. Ha se boemo ba kelello. Ke ponahatso ea Moea o Halalelang. Moea o Halalelang o akofisa le ho matlafatsa tumelo ea mofuta oona. Ha e matlafatsoe ka ho rata ha motho. Molimo ke eena ea ka sehloohong ponahatsong ena.

Ntlha ea Puisano

Bua ka neo ena, o be o fane ka mapaki a moo e kileng ea sebelisoa.

3. Lineo tsa Pholiso.

- a. Ke ponahatso ea Moea. Ke Molimo a folisang. Rona re mpa re le mafiso a ponahatso eo feela (sheba Eks 15:26).
- b. Balumeli bohle ba ka nka karolo ts'ebeletsong ea pholiso (Mar 16:18) ho ea kamoo Moea o ratang hore e bonahatsoe ka teng.

Notes

—

LINEO TSA MOEA O HALALELANG

Notes

- c. Jesu o ne a folisa ka matla a Moea o Halalelang (Luk 4:14, 40; 5:17; Lik 10:38). O tsoelapele ho folisa ka balumeli (Lik 3:6; 4:30;9:34).
- d. Hona le lehlakore la bongata neong ena. Ka segerike, e behoa e le “lineo tsa lipholiso”. Kahar’a neo e le ngoe, hona le lineo tse ngata ho folisa maloetse a mefuta e fapakaneng (sheba Mat 4:23).
- e. Lineo tsa lipholiso ha li etsahale ka baka la matla a botho kapa ho halalela ha botho (Lik 3:12).
- f. Tje kaha lineo li fanoa malebana le liketsahalo le maemo a khethihileng, e se mesebetsi ea moshoelella, balumeli ha ba lokela ho etsa joalokaha e ka lineo tsa lipholiso ke thepa ea bona, ebile e ka e tla phela ho bona ka ho sa feleng.
- g. Lineo tsa lipholiso ha li khahlanong le pholiso ea tlholeho, empa li tsoa ho eona. Molimo a ka sebelisa mekhoha e fapakaneng ho fihlella merero ea hae maphelong a rona.

Ntlha ea Puisano

Bua ka neo ena, o be o fane ka mapaki a moo e kileng ea sebelisoa.

- 4. Mesebetsi ea Mehlolo.
 - a. Ka kotloloho e tolokoa e le: **ke lits’ebeletso le mesebetsi ea matla.**
 - b. Hantle-ntle li hokahanyoa le meeka le mehlolo (Lik 2:22, 2 Bakr 12:12; Bah 2:4) ‘me li sebelisoa e le sesupo sa ho tla ha ‘Muso ka botlallo ba oona (sheba Bah 6:5).
 - c. bala Jn 2:1-11; Luk 8:22-25; Math 14:22-27; Jn 6:1-14; Mar 5:35-43; Jn 11:1-44. Lumella le ho akofisa puisano malebana le neo ena.
 - 1) Hlokomela kamoo mehlolo e etsoang bakeng sa ho bonts’a kutloelo-bohloko, mosa le tsotello.
 - 2) Ha e etsoe ho fumana thoriso kapa ho bonts’a matla feela. sepheo sa eona ke ho supa le ho tlotlisa Molimo (Luk 7:15, 16;19:37).

LINEO TSA MOEA O HALALELANG

- d. Mehlolo ha e khahlanong le melao ea tlholeho. Ke liketsahalo tse kaholimo ho tlholeho. Tlholeho ea lefats'e e tlasa taolo ea boholo ba Molimo ka botlalo. Seo a se entseng, a ka se etsa hape ha a rata. Ha a thibeloe ke letho la tlholeho.
- e. Bala Jn 14:12 malebana le neo ena.
- f. Mehlolo e lokela kamehla e latele thuto ea evangeli (Mar 16:20).
- g. Mehlolo e etsoa ke Molimo ka litsela tse ngata le mekhoha e mengata ho sebetsa mehlolo. Hona le mefuta e mengata e fapakaneng ea mehlolo (hlokomela bongata).
- h. Re ka lebella keketseho le kholo lits'ebeletsong tsa mehlolo (e tsoang ho Molimo, le mademona le oona a etsa) matsatsing a qetello (sheba Ts'en 11:3-6; 2 Bathes 2:9; Math 24:24). Ha se lintho tsohle tse shebahalang e le mehlolo tse halalelang. Molimo a ka rata ha re hlahloba meea.

Notes

—

Ntlha ea Puisano

Bua ka neo ena, o be o fane ka mapaki a moo e kileng ea sebelisoa.

5. Boprofeta.

- a. Bala Num 11:29; Lik 2:17; 1 Bakr 14:31.
- b. Bohle ba ka profeta, empa ha se bohle bao e leng baprofeta (sheba Bae 4:11; 1 Bakr 12:28,29).
- c. Boprofeta bo ipapisitse le ts'enolelo ea Molimo (1 Bakr 14:29, 30) e seng chalimong ea botho le maikutlong a bona.
- d. Boprofeta bo ka bolela lintho tse tlang ho tla, empa haholo-holo, ke lipolelo tsa matla le taolo tse tsoang pelong ea Molimo. Boprofeta bo ka toba kapa ba khothatsa empa haholo boa hahisa ebile boa matlafatsa. Baprofeta ba Testamente ea Khale ba tsejoa ka ho biletsa Israele ho khutlela ho Molimo eo—eona Israele e neng e re ea Morata.

LINEO TSA MOEA O HALALELANG

Notes

- e. Boprofeta bo ka fana ka tataiso le tsela e otlolohileng (boprofeta bo amang motho ka kotloloho). Leha ho le joalo, e lokela e be kholiso e hlakileng ho motho ea fuoang tsela (sheba Liketso 13:1, 2). Ho molemo haholo ho bua ka mokhoa o kholisang kapa o lokisetsang tsela.
- f. Boprofeta bo molemong oa Balumeli haholo-holo (1Bakr 14:22), empa le teng, bo ntse bo ka fihlella phetoho e kholo ho ba sa lumelang (sheba Jn 16:8; 1 Bakr 14:24, 25). Hona le hona ho netefatsoa ke mosebetsi oa Baprofeta ba Testamente ea Khale.
- g. Hantle-ntle, ha se Molimo a etsang puo. Molimo o fa moprofeta mantsoe ao a lokelang ho a bua. Moprofeta o buella Molimo. Sheba kamoo Arone a neng a buella Moshe ka teng ho Eks 4:14-16. Arone o ne a bua, Moshe o ne a fa Arone lipolelo tseo a lokelang ho li bua. Ka mokhoa oona, Moshe o ne a etsisa Molimo ho Arone, Arone e ne e le moprofeta oa Moshe.
- h. Boprofeta ke ntho e ka labalabeloang, ebile e ka hlaoleloa ho ea kamoo Moea o fanang ka teng (1 Bakr 14:31). Boitsebelo bo ka haha boleng bo holimo ba boiphihlelo ho feta pele, empa hona ke boikarabello bo boholo.
- i. Boprofeta bo ka laoloa ke baprofeta. Moprofeta o ela Molimo oa Hae hloko, ka nako e ts'oanang o chatsi malebana le bamameli ba hae (Bala 1 Bakr 14:32). Moprofeta ka mong o na le taolo holim'a boprofeta, hape o lokela ho lumella baprofeta ba bang ho tlatsetsa le ho ahlola. Baprofeta ba lokela ho ikokobelletsana. Baprofeta le melaetsa ea bona, li lokela ho hlalojoa ke ba bang.
- j. Baprofeta ba lokela ho nehala likarolo tsa bophelo ba bona ho sebelisoa ke Molimo (sheba Jer 23:14). Ba lokela ba be le kamano e tebileng le Molimo bakeng sa ho utloa Molimo (Jer 23:21, 22).
- k. Lintlha tse latelang li lokela ho sebetsa e le litlhokomeliso:
 - 1) Qoba likopo tsa batho ba batlang ho profetoa.
 - 2) Qoba boprofeta "bo its'ebeletsang".
 - 3) Hlokomela boprofeta bo ahlolang.

LINEO TSA MOEA O HALALELANG

- 4) Hlokomela ho fetoloa ha lentsoe boprofeteng. Moea o re sebelisa ka tsela eo re leng ka eona, e seng ka tsela eo re nahanang hore re tla ba eona.
- 5) Hlokomela maprofeta a hlahisang ts'etiso, a kenellang le ho senya ts'ebeletso phuthehong ea bongoe.

Notes —

6. Tlhalohanyo ea Meea.

- a. Hona le liponahatso tse fapakaneng tsa meea, 'me kahoo, tlhalohanyo e nepahetseng ea hlokahala.
- b. Tlhalohanyo e lokela ho etsahala pakeng tsa batho, mademona, le mangelo. Ka nako e ngoe re kena ntoeng ea semoea khahlanong le meea e lits'ila, ha re tlameha ho itela nameng, kapa ho hanela litakatso tsa rona tsa nama.
- c. Bala 2 Marena 6:14-17; 1 Marena 22:22, 23; Jer 23:16; Jn 1:47; Mar 1:23-25; 2:8; Luk 11:14; Math 16:23; Jn 2:25; Lik 5:1-9; 13:9,10; 16:17, 18. Akofisa puisano.
- d. Elelloa ketsahalo ea boithuto kahar'a neo ena (Bah 5:14). 'Sebelisa' e hlahisa bokhoni bo boholo ba ho hlalohanya botle ho bobe.
- e. Sheba bohlokoa ba neo ena ka ho bala 1 Jn 4:1; 1 Tim 4:1; 1 Bakr 2:14, 15; 2 Bathes 2:9, 10.

Ntlha ea Puisano

Bua ka neo ena, o be o fane ka mapaki a moo e kileng ea sebelisoa.

7. Maleme/lipuo le tlhaloso/botoloki ba maleme.

- a. Ho bua lipuo ke boitsebelo bo bobebe, bo ka labalabeloang ke balumeli bohle (1 Bakr 14:5).
- b. Ho bua lipuo ke ho rapela le Moea (1 Bakr 14:13-15). Re bua puo ea thapelo (Bae 6:18; Juda 20). Ke ka boetse ra bua "pina ea Moea" (sheba 1 Bakr 14:15 le Bae 5:18,19).

LINEO TSA MOEA O HALALELANG

Notes

—

- c. Maleme (e seng e le thapelo kapa pina ea Moea, empa e le neo bakeng sa kopano) a lokela ho lateloa ke tthaloso kapa botoloki.
- d. Leha maleme a buuoang a lebisoa **ho** Molimo, botoloki ba oona bo lebis'a ho batho. Hona le maikutlo a reng ha motho a le mong thapelong a ka kopa ho 'ikutloisisa'.
- e. Botoloki ba maleme bo hlahisa moelelo oa pele oa maleme.

Ntlha ea Puisano

Bua ka neo ena, o be o fane ka mapaki a moo e kileng ea sebelisoa.

- 8. Hlokomela litsela tseo lineo li sebetsang hammoho, li ts'ehetsanang ka teng, li bile li ts'ehetsa lits'ebeletso tse ling. mohlala:
 - a. Ho hlalohanya meea, hangata ho tla pele ho ts'ebeletso ea tokollo (Lik 16:18).
 - b. Neo ea tumelo e tla pele ho lineo tsa lipholiso.
 - c. Ho hlalohanya meea ho ka hlokahala bakeng sa ho hlahloba boprofeta.
 - d. Puo ea bohlale kapa ea tsebo e ka tla pele ho neo ea tumelo.

LINEO TSA MOEA O HALALELANG

Na Lineo tsa Moea li ntse li reretsoe ho sebetsa le kajeno?

Ho araba potso ena, bala litemana tse latelang.

Kaofela li supa hore lineo li tla ba teng ho fihlela Krete a khutla.

1 Bakr 1:4-7;

Bae 4:7-13;

Baf 1:9, 10;

Bak 1:9-12;

1 Bathes 5:11-23;

1 Petr 4:7-10;

1 Bakr 13:8-12

Notes —

Ntlha ea Puisano

Haeba o sebelisa 1 Bakr 13:8-12 bakeng sa ho re lineo ha li sa sebetsa kajeno, ke haeba o re Bibe le ha e sa na thuso, “phetheho” e bolela ho koalola ha Mangolo. Leha ho le joalo, boithuto ba khaeho ea serapa sena, bo tla u bonts’a hore “bophetheho” bo bua ka Jesu.

Ithute sets’oants’o sena, ho sheba khaeho ea 1 Bakr 13:8-12, ‘me o akofise puisano.

1 BAKR 13:9,10	1 BAKR 13:11	1 BAKR 13:12	
Nakong ena, tsebo le boprofeta ha li ea phetheha	Ke ne ke bua, ke nahana le ho hopola joaloka ngoana	Efela joale	Joale ke tseba ka nq’a e le ngoe
Nakong eo phetheho e tlang	Ha ke fetoha monna	Joale	Joale
Ho se phethehe hohle ho tla feta	Ke ile ka lahla bongoana le lintho tsa bongoana	Lifahleho li talimane	Lifahleho li talimane

Tlhokomeliso: senotlolo se ka re thusang ho bona hore ho tla ha phetheho ke ho tla ha bobeli ha Jesu ho manntsoeng ana “lifahleho li talimane” le eena. Hape, re na le Mangolo a mangata a bonts’ang ho khutla ha Krete e le Ho TLA ha Hae. Efela ho joalo, ke ha ho phetheha ho TLA, ho se phethehe hohle ho tla felisoa. EMPA HO FIHLELA KA NAKO EO, LINEO TSA MOEA LI TLA BE NTSE LI LE TS’EBETSONG.

LINEO TSA MOEA O HALALELANG

Notes

III. Lineo tsa Bosebeletsi tsa Mohau oa Molimo.

Maikutlo a Sengoli:

Boemong bona, re tloha ho shebaneng le lineo tsa Moea o Halalelang, re tlo sheba sehlopha se seng sa lineo se re reng ke lineo tsa bosebeletsi, tsa “Mohau oa Molimo.” (li fumanoa ho Bar 2:6-8).

A. Ho Bar 12:6-8, hona le lethathamo la “lineo tse supileng tsa Bosebeletsi” tse fanoang ke Molimo.

1. Ho hlakile hore hona ke lineo tsa *semoa* ho tloha temaneng ea 6, re bona lentsoe la Segerike “charismata”.
2. Temana ea 3 e bonts’a hore li ea fanoa kapa “li a allotoa.”
3. Tsela eo mantsoe a sebelisitsoeng ka eona temaneng ea 6-8, le ts’ebeliso ea lentsoe “ts’ebetso” temaneng ea 4, ho supa hore hona ke lineo tsa “bosebeletsi”.

B. Lineo tsena tsa bosebeletsi, li boetse li bitsoa lineo tsa “khothatso” kapa “tsa ts’usumetso”.

1. Lineo tsena li tla matlafatsa, tiisa, le ho thusa motho ho etsa mosebetsi o itseng o khethehileng.
2. Hantle ho tloha boleng ba tsona, ke lineo tse thusang motho ho etsa bosebeletsi bo itseng. Li lumellana le ho susumetsa semelo sa motho hobane ke lineo tse hahang boleng ba motho.
3. Lineo tsena li bonts’a tsela eo motho a sebeletsang ka eona kahar’a ‘mele oa Krete (12:4, 5).

LINEO TSA MOEA O HALALELANG

Notes —

- a. Setho ka seng se na le bonyane neo e le ngoe. Tloaelo ea tlholeho ke ho sebetsa malebana le mefuta ea bosebeletsi. Molumeli o supisoa le ho khothaletsoa ho sebeletsa ho latela neo eo e khethehileng.
- b. Molumeli o na le boikarabello ba ho sebeletsa 'meleng oa Krete malebana le neo ea hae. setho ka seng se bohlokoa kahar'a 'mele. Setho ka seng se its'etlehile ka tse ling. Setho ka seng se lokela ho sebetsa le tse ling (ho sebetsa le limelo le lineo tse ling).
- c. Baetapele ba kereke ba bilelitsoe ho hokahanya litho hammoho. Ke ka ho hokahanya lineo tse fapakaneng hammoho, feela li neheletsana, mosebetsi oa Molimo o fihleloang (Bae 4:11,12).

C. Lineo tsa bosebeletsi ke lineo tsa moshoelella.

1. Ho fapana le lineo tsa pneuma tsa Moea o Halalelang, e leng lineo tsa nako le maemo a khethehileng, lineo tsa Bar.12 li shebahala e le lineo tsa bophelo bohle kaha li haha boleng ba motho.
2. Lineo tsa bosebeletsi li fanoa ke Molimo pele kapa ka mor'a tsoalo ea bobeli. Ho tlatsoa le ho kolobetsoa ka Moea ho ka akofisa le ho matlafatsa litsebo le lineo tsa tlholeho (sheba 1 Tim 1:11-16; 2 Bakr 9:8).
3. Lineo tsa bosebeletsi li ka fanoa tlhahong ea botho ho latela morero oa Molimo bakeng sa bophelo ba hau (sheba Bag 1:15; 1 Sam 1-3; Esa 49:1, 5; Jer 1:5; Luk 1:13-17).

Ntlha ea Puisano

Sebelisa sets'oants'o sena ho phethela boithuto ba rona ba "lineo tsa bosebeletsi" ho Bar 12:6-8. Sheba le ho bua ka neo e ngoe le e ngoe. Re ka hlalosa le ho utloisisa neo ka ngoe joang?
Re ka bapisa neo ka ngoe le tse ling joang?

LINEO TSA MOEA O HALALELANG

	BOPROFETA	HO SEBELETSA	HO RUTA
MOO MAIKUTLO A SEKAMETSENG	Thahasello ea ho hloaea phoso kapa bobe. Thahasello ea ho ntlafatsa kapa ho fetola kapa ho lokisa	Ho thusa ba bang ka litsela tse bonahalang tse ts'oarehang.	Lerato la ho etsa liphuputso le ho ithuta linnte tse ncha. Cheseho ea ho ruta linnete tseo.
LIMELO TSE TLOAELEHILENG (litloaelo li bonoa hangata neong ena...e seng melao kapa linetefatso, empa litloaelo feela)	1) Thahsello e matla ea ho bua 'nete. 2) Ho bua haholo ka botle le bobe (sheba Lik3:12-26; Luk3:7-14). 3) Tlhoko ea ho bua. 4) Boikemisetso ba ho bulehela ba bang. 5) Tloaelo ea ho potlaka le ho araba ka pele (Math14:28;15:15). 6) Ho toba ka matla, ka thata 7) Ho its'itleha haholo ka Bibe e le mohloli oa matla (Lik 2:16; Luk3:4-6). 8) Ho susumetsa malebana le botle kapa bobe (Lik 2:14-17; Lk3:3-20). 9) Ho bua haholo ka boleng le botle ba Molimo (Lik	1) Thabo le ho khotsofala ho thuseng ba bang ho sebeletsa (Luk10:38-42; Baf2:20). 2) Ho shebana haholo le meralo ea nakoana (Jn 12:2;1Tim4:14). 3) Tloaelo ea ho ikutloa o fokola bakeng sa ho ba moetapele. (1Tim4:12-14). 4) O hloka ho lebua 5) Bots'epehi le boitolobetso. 6) Ho sebetsa ho feta tekano...ha ho bonolo ho fetisa makarebello ho ea ho ba bang.	1) Cheseho ea ho lotomanya lintlha ka mokhoa o qaqileng (Luk 1:1-3; Lik 18:25). 2) Tlhakisiso ea mantsoe le bohlokoa ba oona. 3) Tloaelo ea ho hlahlola lithuto tsa ba bang (Luk1:4; Lik18:25). 4) Tloaelo ea ho beha sekala sa boiphihlelo le lithuto tsa kelello. 5) Tlhakisiso ea ts'ebeliso ea booko.
TS'EKAMELO KAPA CHALIMO (ka ho akaretsa)	Bophelo ka botlalo. Ts'ekameloe e botleng kapa bobeng.	Bophelo bo bonoa e le tateliso ea mesebetsi. Ts'ekameloe e ho ba bang haholo.	Bophelo bo bonoa e le pokello ea litaba. Ts'ekameloe e ho hlakeng ha lintlha haholo.
MEFOKOLO KAPA LITLOAELO TSE SA NEPAHALANG	1) Boikaketsi 2) Borabele 3) Kahlolo 4) Ho se tsotelle 5) ho hloka mamello 6)Sebopeho se sebe 7)Ho batla ho ba bang	1) Ho ikhula 2) Ho sebetsa ho feta tekanyo 3) Ho ikhula 4) Ho ahlola 5) Ho hloka tataiso e ntle	1) ho se lule ntho e le ngoe 2) ho hloka mamello 3) Ho bua lintho tse thata ho etseha ka nako e ngoe 4) Ho sebelisa mantsoe a mangata le ha ho sa hloka hahale 5) Ho hloka tsotello 6) ho tsamaisoa le ho loha melao haholo 7) ho ikakasa le ho tebisa ho feta tekanyo
Temana ea mantlha	Ho elelloa bobe	Mafofologo ho thusaneng	Ho ruta 'nete
Mehlala ea Bibe	Elia	Maretha, Phoebe, Setefane, Timothea	Esera, Apollosi, Luka, Prisilla

LINEO TSA MOEA O HALALELANG

HO KHOTHATSA	HO FANA	HO LAOLA	HO ETSA MOHAU
Ho khothatsa le ho khothaletsa hore batho ba nahane ka hantle ka bophelo, ekasita le maemo.	Ho rata ho fana ka lintho tse ts'oarehang ho arabela litlhoko tsa ba bang	Ho hlophisa le ho nka likhato tsa pele kahar'a sehlopha	Ho tsotella bohloko ba bang le ho ba utloela-bohloko
1) Cheseho ea ho khothaletsa le ho bona ba bang ba khothala (Bak 1:28,29; Lik4:36). 2) Thasello le Bokhoni ba ho susumetsa pono ho ba bang (Baf 3:17; Lik11:23). 3) Tlhakisiso le ts'ekamelo ho faneng ka liketselo. 4) Boitsebelo le ts'ekamelo liketsahalong tse itseng. 5) Ho rata ho amohela ba bang. 6) Thahasello ea ho haha likamano tse tebileng le batho (Bar1:11,12; 2 Tim 1:4). 7) Ho akofisa bongoe.	1) Thahasello ea ho sebelisa tsa ka hanyane ho fa ba bang haholo (2Bakr.84-15). 2) Thahasello ea ho fana lekunutung (Math 6:1-4; Gen22:1-3). 3) Thahasello ea ho bona se fanoeng se sebelisoa hantle, ka mokhoa o khahlehang. 4) Ho khothaletsa ba bang ho fana (Math18:32-33).	1) Bokhoni ba ho amohela pono le ho e beha ts'ebetsong (Neh 1:1-3; 2:5). 2) Ho nka likhato tsa pele (Neh1:12). 3) Bokhoni ba ho bapisa litlhoko le lisebelisoa (Neh2:6-8). 4) Bokhoni ba ho fetisetsa maikarabello ho ba bang (Neh4:13). 5) Ts'ekamelo e mosebetsi haholo. 6) Ho shebana le ntho e le ngoe ka nako. 7) Ho rupela le ho koetlisa baetapele ba bang.	1) Ho tsotella ba utloileng bohloko (Luk10:33). 2) O bonolo. 3) Tlaelo ea ho qoba ho toba, ntle ha ho bonahala hore kotsi e ka hlaha (Lik 4:13, 19, 20). 4) Ha a rate likhang. 5) Ho utloela ba bang le bohloko ba bona. 6) Thahasello ea ho sireletsa ba hatelloang.
Bophelo ke ntho e ntle. Ts'ekamelo e ho etsoeng ha tema haholo	Bophelo bo bonoa e le ntho ea karolelano le ho fana.	Bophelo bo lokela ho hlophisoa le ho hlophela hantle.	O rata batho, bophelo bo bonoa e le kutloelano-bohloko le ho hauhelana
1) Likeletso tsa nama 2) Ho nahanela maemo 3) Ho ba bobebe haholo 4) Ho roballa ka leqebeng, ho rata ho ithalosa le ha ho sa hlokahale	1) Ho etsa lintho pele ho etsoa qeto e nepahetseng 2) Ho leka ho sebelisa le ho boloka lichlete hantle ho hlaha e ka bokhonatha ho batho ba fanang, 'me hona ho qabanya malapa	1) Boikakaso 2) Ho se tsotelle 3) Ho se mamelle ba sa khoneng 4) Ho its'oha	1) Ho sheba lehlakore le leng 2) Ho soabela le ho qoba ho toba ba hlohang ho tojoa 3) Ho phahama ha maikutlo ho etsahala ha bobebe
Ho phela 'nete	karolelano	Ho laola/ho tataisa	Tsotello/khothatso
Baranabase; Paulosi	Abrahama; Solomone; Dokase; Luka	Nehemia; Moshe; Josefa; Davida	Mosamaria a molemo; Dokase; Johanne

LINEO TSA MOEA O HALALELANG

Notes

Mosebetsi oa Baithuti:

Na u tseba lineo tsa hau? Na u tseba lineo tseo ba phelang le uena ba nang le tsona? Mohlomong u na le tlhokomelo e akaretsang empa u hloka kholiseho. Boithuto bo “pharaletseng ba Lineo tsa Bosebeletsi” (bo qetellong), bo ka sebelisoa ho u fa tlhokomeliso le kholiseho.

Sebelisa boithlahlobo e le tsela ea ho:

1. Akofisa thahasello lineong.
2. Akofisa puisano ka lihlopha tse nyane tse tla shebana le ho khothaletsa baithuti ho sebelisa lineo tsa bona.
 - Kamor’a hore motho ka mong a qete lipotso le ho fumana liphetho tsa boithlahlobo ba hae, baithuti ba ka etsa lihlopha tse nyane.
 - Sehlopha ka seng se ka arolela tse ling liphetho tsa bona. Ba bang ba ka khothatsa motho ka mong le ho netefatsa lineo tseo mothong.
3. Etellapele puisano ho bonts’a hore na “lineo tsa besebeletsi” li lokela ho sebetsa ‘moho joang.
4. Lumella nako ea thapelo le puleho bakeng sa Moea o Halalelang ho tlatsa balumeli bakeng sa besebeletsi bo boholo lineong tsena. Ha se ntho e mohlolo ho fumana boitsebelo ba ponahatso ea Moea ea neo e ncha nakong ea ho buleha hona. Mots’epeleng ho tlotlisa Jesu mahareng a lona.

Tlhokomeliso: se ke be oa sebelisa boithlahlobo e le eona tsela ea hore batho ba fumane lineo. Hopola hore boithlahlobo ke se sebelisoa feela. e ka sebelisoa e le sesebelisoa bakeng sa ho netefatsa kapa ho re etsetsa tlhokomeliso ka lineo tsa rona. Leha ho le joalo, e ke ke ea fana ka lineo.

LINEO TSA MOEA O HALALELANG

IV. Lineo tsa Krete tsa Khahiso le Tlhophiso.

Notes —

A. Kakaretso e khuts'oane.

1. Ho Baefese 4:11, re fumana sehlopha se seng sa lineo tse fanoang ke Krete bakeng sa kereke. Hangata tsena li bitsoa lineo tsa “tlhophiso le khahiso” kapa tsa “ofisi”.
 - a. Lineo tsena li ka nkoa e le maemo a bosebeletsi, kapa tlhomamiso, kapa liofisi tsa kereke.
 - b. Li sebelisoa ho sebeletsa le ho atisa bosebeletsi ka tlhomello, koetliso le thupelo ea ba bang.
2. Ha re na ea lololo ka thuto ena. Lineo tsena li rutoa lithutong tse ling tse ‘maloa tsa MOTMOT.

B. Papiso ea Mefuta ea Lineo.

1. Ho fumana boleng ba mefuta ea lineo, re ka sebelisa neo e fumanoang mathathamong ana a le mararo (boprofeta). Tlhalohanyo ena e ka etsoa tlasa lihlooho tse tharo: boleng, matla le ketso.
 - a. **Boleng:** “Ts’ebeletso” (Bar 12) ea boprofeta e hlalisoa ke mokhoa, tloaelo, kapa ts’ekamelolo ea bosebeletsi ba seprofeto. Ho ka thoe motho o na le semelo sa boprofeta.
 - b. **Matla le taolo:** “Ofisi” ea Boprofeta (Bae 4) e kaholimo ho mokhoa feela oa bosebeletsi. Ke seo motho a leng sona ho feta seo motho a ts’oanang le sona.
 - c. **Ketso kapa liketso:** “Ponahatso” ea neo ea boprofeta (1Bakr 12) ke ketso ea ho profeta bakeng sa boemo le nako e itseng.
2. Molimo o entse molumeli moprofeta ka ts’ekamelolo le semelo. Hona ke boleng. O fane ka motho eo kerekeng e le mpho ea kereke, ‘me kereke e elelloa neo eo. Hona ke taolo, matla le ofisi. Motho eo o sebeletsa ba bang ka ho etsa kapa ho bua lentsoe la Molimo la matla. Hona ke ketso ea ho profeta.

LINEO TSA MOEA O HALALELANG

Notes

—

LINEO TSA MOEA O HALALELANG

V. Appendix: Boitlhahlobo ba Lineo tsa Bosebeletsi.

Notes —

Maikutlo a Sengoli:

Boitlhahlobo bona bo kenyelelitsoe ho u thusa hore o elelloe le ho netefatsa lineo tsa bosebeletsi joalokaha li hlaha ho Baroma 12. Lineo tsena li kenyetsa: boprofeta, ho sebeletsa, ho ruta, ho laola, ho fana, ho etsa ka mohau. Ha o ntse o elelloa hore na lineo tsa hau ke li fe, u tla khona ho fumana menyetla ea ho sebelisa lineo tsa hau.

Selelekela:

Bala lipolelo tse ka tlaase ka hlooho, e be u ngola karabelo ea hau (o arabe ka ho ngola lipalo sekheong, 1-5). Bakeng sa polelo ka ngoe, khetha lipolelong tsena hoo e leng tlhaloso ea sephetho sa hau bakeng sa polelo ka ngoe:

- 1 = ha ke na eona hohang
- 2 = kena le tllhasenyana
- 3 = ke lipakeng
- 4 = ke na le eona
- 5 = ke na le eona ka mokhoa o batsi haholo

Tlhokomeliso: se qete nako e ngata polelong ka ngoe. Ntho ena ha se tlhahlobo. Ha ho likarabo tse nepahetseng kapa tse fosahetseng. Empa ke linete tse reretsoeng ho u hlalosa. U se arabe ho latela na u batla ho ba eng, kapa seo o nahanang hore o lokela ho ba sona. U lokela ho araba ho latela hore na u joang.

- ___ 1. ke khona ho elelloa liphoso ka pele.
- ___ 2. ke thabela ho thusa ba bang ka lintho tse ts'oarehang.
- ___ 3. ke thahasella ho etsa liphuphutso le ho batlisisa lintho tse ncha.
- ___ 4. ke khona ho thusa ba bang ho nahana hantle ka bophelo.
- ___ 5. ke ikutloa ke nyakalla le ho phetheha ha ke fana bakeng sa ho thusa ba bang litlhokong tsa bona tsa nama.

LINEO TSA MOEA O HALALELANG

Notes

- ___ 6. ke rata ho nka likhato kahar'a sehlopha ha ho hlokahala leha ke se litulong tsa boetapele.
- ___ 7. ke ela bohloko ba ba bang hloko ka potlako.
- ___ 8. kena le thahasello ea ho khothaletsa ba bang ho fetoha ha ba oetse phosong.
- ___ 9. ke fumana thabo e kholo ha ke thusa ba bang bosebeletsing ba bona.
- ___ 10. ke rata ho beha lintlha le litaba ka mahlofo, 'me ke rata ho lotomanya linete ka tlhahlamano.
- ___ 11. ke na le thahasello e kholo ea ho bona ba bang ba atleha ho seo ba se etsang.
- ___ 12. ke chesehella ho fa ba bang haholo ho feta kamoo 'na nka bang le hona.
- ___ 13. ke khona ho hlophisa le ho bokella lihlopha tsa batho, 'me ke khona ho nka likhatho tsa pele bophethatsing ba ts'ebetso.
- ___ 14. ha batho ba na le mathata, ke ba le kutloelo-bohloko e kholo.
- ___ 15. ke na le thahasello le cheseho e kholo ea ho bua 'nete.
- ___ 16. ke rata ho nka karolo mesebetsing ea nakoana e nang le meralo le litholoana tsa hang-hang.
- ___ 17. ha ke bala Biblele, ke bona bohlokoa ba lintlha le mantsoe a manyane.
- ___ 18. ke khona ho tsosa le ho susumetsa pono ho ba bang.
- ___ 19. ke tsotella haholo hore chelete eo ke nehelang ka eona e sebelisoe hantle, ka mokhoa o babatsehang.
- ___ 20. ke na le bokhoni ba ho amohela pono ho Molimo e be ke e fetisetsa ba bang.
- ___ 21. ha ke khone ho toba ba bang ka thata, ntle leha ke bathusa ho qoba bothata

LINEO TSA MOEA O HALALELANG

- ___22. ke khona ho hlakisisa botle le bobbe ba taba.
- ___23. ke thabela ho thusa ba bang ha feela thuso ea ka e lebuuoa.
- ___24. ha ke mametse ba bang ha ba ruta, ke rata ho hlahlobisisa le ho akaretsa seo ba se rutang, e be ke sheba tsohle ke ipapisitse le Bibeletse.
- ___25. ke lula ke nka karolo ho feng ba bang likeletso le tlabollo.
- ___26. ke khona ho fana, le ho khothaletsa ba bang ho etsa joalo.
- ___27. ke khona ho bapisa le ho hokahanya litlhoko le lisebelisoa ha 'moho.
- ___28. ha ke rate ho etsa likhang le batho ba bang.
- ___29. batho ba bang ba nahana hore ke "thata" haholo hobane ke khona ho toba lintho kopanong ea rona le bona.
- ___30. ho bao ke sebetsang le bona, ke khona ho ts'epahala le ho itolobetsa haholo.
- ___31. ke tsepamisa maikutlo a ka haholo thuto-Molimong ho feta ketsong, 'me ke rata ho ba moetsuo ho feta moetsi malebana le 'nete.
- ___32. ke sheba bophelo ka tsela e ntle, 'me ke rata ho etsa tema.
- ___33. ke lula ke hoka-hokeha tabeng ea ho fihlella litlhoko tsa ba bang.
- ___34. ke rata ho fetisetsa le ho fa ba bang maikarabello ka katleho.
- ___35. ke na le thahasello ea ho ts'ireletsa le ho emela ba hatelloang.
- ___36. ke sheba litaba tse amang bophelo li le "ts'oeu kapa li le nts'o," "li nepahetse kapa li fosahetse."
- ___37. ke rata ho etsa lintho ka bo-'na ho fapana le ho rupela ba bang ho nthusa, leha nka ba ka khathala.
- ___38. ke rata ho nka karolo linthong tse sebelisang kelello haholo.

Notes —

LINEO TSA MOEA O HALALELANG

Notes

- ___ 39. ke khothalla ho etsa ho feta ho nka nako liphuputsong.
- ___ 40. ke rata ho shebana le litsela tsa ho etsa phetoho ka ho fana ka lichelete.
- ___ 41. ke motho ea ratang ho rala le ho bona ke fihlela meralo haholo.
- ___ 42. ke tsotella litlhoko le litakatso tsa ba bang ho feta ho phethoa ha ts'ebetso e itseng.
- ___ 43. ke ela litakatso tsa ba bang hloko haholo.
- ___ 44. ke nka bophelo bo tletse ka liketsahalo tse ngata-ngata, 'me ke rata ho thusana.
- ___ 45. ke nka bophelo e le pokello ea litaba, moo 'nete e hlalosoang.
- ___ 46. ke rata ho khothaletsa batho kholo le tema maphelong a bona.
- ___ 47. ke khona ho fana ho feta boshome ba ka.
- ___ 48. ke felloa ke mamello ka pele malebana le batho ba sa khoneng ho fihlella boleng ba ts'ebetso e itseng.
- ___ 49. hangata ke ba bonolo ho batho ba hlokang ho tojoa le ho qholotsoa.
- ___ 50. ha ke na mamello ea batho ba nkanyetsang.
- ___ 51. ke mafolofolo haholo kerekeng ea heso, ke lula ke batla monyetla oa ho thusa ba bang.
- ___ 52. ke pheta-pheta ntho ha ngata haholo ha ke batla motho a e utloisise.
- ___ 53. ke na le chebelo pele, ebile ke khona ho sheba lehlakore le letle la boemo.
- ___ 54. ke khona ho bona litlhoko tsa ba bang tsa nama pele ho batho bohle.

LINEO TSA MOEA O HALALELANG

Notes —

- ___55. ke khona ho fana ka tataiso ho ba bang pele ho batho bohle.
- ___56. ke utloa ke thabela bosebeletsi bo kenyeletsang ho khothatsa le ho tsotella ba bang.
- ___57. leha nka nyatsoa, ke khona ho bua feela ha ntho e mpe e buuo kapa e etsoa.
- ___58. ha ke na bothata ba ho etsa mesebetsi ea matsoho, ea matla a nama haholo ha hoo ho lokollela ba bang bosebeletsing ba bohlokoa.
- ___59. ke tsotella bonnete ba seo ke lumelang ho sona haholo, 'me ke ruta le lintho tse nyane haholo.
- ___60. ke khona ho bona kholo ea motho ea semoea, 'me ke ba khothaletsa ho hloella boemong bo kaholimo.
- ___61. ke ts'oengoa ke khatello e kholo, le ts'ebeliso e boima ea kelello malebana le lichelete.
- ___62. ke khothalla ho lateloa ho feta ho latela ba bang.
- ___63. ke thahasella ho sebeletsa ba nenoang ke ba bang.
- ___64. molimo o nts'ebelisa ho sisinya maphelo le bosebeletsi bo kikiteleng.
- ___65. ke atisa hore "che" ho batho ba hlokang thuso.
- ___66. ke khona ho hlaloesa ba bang likarolo tse thata tsa Bibe le hoo ba khonang ho utloisisa.
- ___67. ke na ke thahasello e kholo ea ho akofisa bongoe mahareng a Bakreste.
- ___68. ke khothalla le ho atisa ho ba karolo ea mesebetsi e hlokang libelisoa tse ts'oarehang bakeng sa hore o phethoe.
- ___69. ke thahasella le ho khona ho nka taolo ea maemo.
- ___70. ke khothalla ho etela batho lipetlele, lichankaneng le libakeng tsa tlhokomelo.

LINEO TSA MOEA O HALALELANG

Notes —

Ho elelloa neo ea hau:

Ha o qetile ho etsa boitlhahlobo, qopiletsa karabelo ea hau ka tlaase mona. E be u beha linomoro moleng ka mong. Mela e nang le likakaretso tse holimo, li bonts'a likarolo tsa neo ea bosebeletsi eo o nang le eona!

KAROLO 1	KAROLO 2	KAROLO 3	KAROLO 4	KAROLO 5	KAROLO 6	KAROLO 7
1)	2)	3)	4)	5)	6)	7)
8)	9)	10)	11)	12)	13)	14)
15)	16)	17)	18)	19)	20)	21)
22)	23)	24)	25)	26)	27)	28)
29)	30)	31)	32)	33)	34)	35)
36)	37)	38)	39)	40)	41)	42)
43)	44)	45)	46)	47)	48)	49)
50)	51)	52)	53)	54)	55)	56)
57)	58)	59)	60)	61)	62)	63)
64)	65)	66)	67)	68)	69)	70)
KAKARETSO						
Boprofeta	Ho sebeletsa	Ho ruta	Ho khothatsa	Ho fana	Ho laola	Ketso tsa mohau

Neo e holimo-limo _____

E latelang e holimo-holimo _____

Ea boraro _____

LINEO TSA MOEA O HALALELANG

khopotso:

ho bohlokoa haholo ho hopola hore bokhoni ba ho elelloa, ho utloisisa, ho sebelisa, le ho ntlafatsa neo le bosebeletsi ba hau li amana le:

1. Kholo ea kelello.
2. Kholo ea semoea.
3. Tsoelopele ts'ebelisong ea lineo.
4. Thabo eo o e utloang ha o sebelisa neo eo.
5. Kotleho le tholoana tse fumanoang ho sebeliseng lineo tseo.

Mosebetsi oa Baithuti:

Lumella baithuti ho etsa lihlopha tse nyane. Buang ka liphetho tsa lona.

Liphetho tsa batho ba bangata li tla bonts'a lineo tse peli kapa tse tharo tse tla hlahella ho feta tse ling (ha ba bang bona ba tla ba le e le ngoe e hlahellang ho feta tse ling).

Ho ba nang le tse peli kapa tse tharo tse hlaheletseng, hona le e ngoe e tla hlahella ho feta tse ling.

U ka 'na ba le neo ea bone e sa hlahellang hakaalo, empa e le holimo ho feta tse tharo tse qetellang.

Sheba hore na liphetho tsa boitlhahlobo bona li bolelang ho uena. Na uena 'moho le ba bang le ka netefatsa hore lineo tsee li teng ho uena? Na u bona mokhoa oo li kopanang le tse ling ka oona, 'me na tse ling li phahametse tse ling hakaakang?

Notes —

LINEO TSA MOEA O HALALELANG

Notes

Qetello

¹J. Rodman Williams, The Holy Spirit: Presence and Power - class notes from Regent University course (Virginia Beach, VA: CBN University Media Center, 1986). Lethathamo la lintlha-kholo tsa thuto eena li qotsitsoe ho tsoa lithutong tsa Dr. Williams. Li sebelisitsoe ka tumello.